

## HOOFSTUK 11: ERKENNING VAN BESONDERE PRESTASIES

### 1. INLEIDING

*Die Voortrekkers* vereer jeuglede, volwasse lede, nie-lede, skole, organisasies of besighede met medaljes, pennings en toekennings vir besondere diens aan *Die Voortrekkers* of die Suid-Afrikaanse gemeenskap indien daar aan die vereistes van die betrokke toekenning voldoen word.

### 2. WYSE WAAROP BESONDERE PRESTASIES ERKEN WORD

- 2.1 Alle bestuursliggame van *Die Voortrekkers* moet gereeld maar ten minste een keer per jaar seker maak of daar nie aansoek gedoen moet word vir enige vorm van toekenning aan lede of nie-lede deur *Die Voortrekkers* nie.
- 2.2 'n Betrokke bestuursliggaam van *Die Voortrekkers* moet toesien dat die nodige inligting behoorlik gedokumenteer word in die aansoek en dit voorlê aan die verantwoordelike bestuursliggaam wat die aansoek moet hanteer. Die korrekte aansoekvorm moet te alle tye gebruik word en is op die webblad van *Die Voortrekkers* beskikbaar. Dit is die sekretaris van die betrokke bestuursliggaam wat die toekenning oorweeg se plig om seker te maak dat alle inligting behoorlik geverifieer is.
- 2.3 Toekennings moet met sorg oorweeg word omrede 'n toekenning wat reeds ten volle afgehandel is en dus aan die persoon of instansie deur die betrokke bestuursliggaam oorhandig is, nie teruggetrek kan word nie.
- 2.4 'n Lid van *Die Voortrekkers* word slegs vereer indien hy geregistreer is en sy ledegeld betaal is.
- 2.5 Die betrokke bestuursliggaam wat 'n toekenning maak, kan 'n toekenning opskort indien daar vóór die oorhandiging daarvan feite aan die lig kom wat aandui dat:
  - a) alle paslike feite nie beskikbaar was vir oorweging nie.
  - b) die persoon se gedrag sodanig blyk te wees dat dit *Die Voortrekkers* nie tot eer strek om sodanige toekenning te maak nie.
- 2.6 Met die oorweging van 'n aansoek om 'n toekenning moet die betrokke bestuursliggaam slegs een van die volgende keuses maak: aanvaar of terugverwys.

### 3. DEKORASIE VIR BUITENGEWONE DIENS - GOUD

- 3.1 Die dekorasie vir buitengewone diens - Goud word deur die hoofbestuur toegeken aan 'n volwasse lid van enige rang of amp wat 'n buitengewone bydrae gelewer het aan *Die Voortrekkers* in die algemeen en aan die volgende vereistes voldoen:
  - a) Geregistreeerde opbetaalde lid van *Die Voortrekkers* is.
  - b) Aktiewe meelewende lid van 'n Voortrekkerkommando is.
  - c) Die buitengewone bydrae word in hierdie sin gemeet aan die kreatiwiteit, vindingrykheid, sigbaarheid, bruikbaarheid en/of buitengewone aard daarvan vir *Die Voortrekkers*.
  - d) Die bydrae kan ook 'n volgehoue en toegewyde diens oor 'n lang periode insluit.
  - e) Die bydrae(s) moet Voortrekkergerig wees.
  - f) Die bevordering van die beeld van *Die Voortrekkers* in sy gemeenskap om 'n positiewe gesindheid jeens *Die Voortrekkers* te bewerkstellig.
- 3.2 Bestuursliggame op oord- en kommandovlak stuur 'n gemotiveerde aansoek na die gebiedsdagbestuur vir aanbeveling en oorweging deur die gebiedsbestuur.
- 3.3 Die gebiedssekretaris moet sorg dra dat die aansoek korrek en volledig is vir voorlegging aan gebiedsbestuur. Die hoofsekretaris moet sorg dra dat die aansoek korrek en volledig is vir voorlegging aan hoofbestuur.
- 3.4 Die dekorasie word deur die hoofbestuur uit eie beweging of op grond van 'n behoorlik gemotiveerde aansoek van 'n gebiedsbestuur toegeken.
- 3.5 Vir die toekenning van die dekorasie word daar per geslote stembrief gestem en die dekorasie word toegeken wanneer minstens twee derdes van die aanwesige lede van die hoofbestuur ten gunste van die toekenning stem.

- 3.6 Die oorhandiging van die dekorasie en 'n oorkonde geskied tydens 'n funksie wat vir dié doel deur die hoofdagbestuur of die betrokke gebiedsdagbestuur gereël word op koste van die hoofbestuur.

#### **4. MEDALJE VIR BESONDERE DIENS - GOUD**

- 4.1 Die medalje vir besondere diens - Goud word deur die hoofbestuur toegeken aan 'n volwasse lid wat sy diens op nasionale vlak met besondere toewyding verrig en aan die volgende vereistes voldoen:
- Geregistreeerde opbetaalde lid van Die Voortrekkers is.
  - Ten minste vier jaar aaneenlopende diens op nasionale vlak gelewer het.
  - Aktiewe meelewende lid van 'n Voortrekkerkommando is.
  - Meelewend op gebiedsvlak is.
  - Die doen van take meer as die normale in die uitvoering van sy pligte in nasionale komitees, taakgroepe en ander nasionale opdragte.
  - Die bevordering van die beeld van Die Voortrekkers in sy gemeenskap om 'n positiewe gesindheid jeens Die Voortrekkers te bewerkstellig.
- 4.2 Die hoofsekretaris moet sorg dra dat die aansoek korrek en volledig is vir voorlegging aan hoofbestuur.
- 4.3 Die medalje word deur die hoofbestuur uit eie beweging of op grond van 'n behoorlik gemotiveerde geskrewe aansoek van die hoofdagbestuur of 'n gebiedsbestuur toegeken.
- 4.4 Nadat 'n volwasse lid vir vier aaneenlopende jare diens op landswye vlak gelewer het, moet die hoofdagbestuur oorweeg of die bepaalde offisier in aanmerking kom vir die toekenning. Indien hy in aanmerking kom, moet die hoofdagbestuur dit by die hoofbestuur aanbeveel. Indien hy nog nie na vier jaar diens kwalifiseer nie, moet die hoofdagbestuur hom elke jaar weer vir aanbeveling oorweeg vir solank as wat hy diens op landswye vlak lewer.
- 4.5 Indien 'n volwasse lid vir 'n periode van tien (10) jaar na die eerste toekenning steeds aan die vereistes van die toekenning voldoen kan die toekenning 'n tweede keer toegeken word volgens dieselfde prosedures wat reeds hier omskryf is, en mits hy reeds die Medalje besondere diens – Silwer en Brons ontvang het.
- 4.6 Vir die toekenning van die medalje word daar per geslote stembrief gestem en die medalje word toegeken wanneer minstens twee derdes van die aanwesige lede van die hoofbestuur ten gunste van die toekenning stem.
- 4.7 Die oorhandiging van die medalje en 'n oorkonde geskied tydens 'n funksie wat vir dié doel deur die hoofdagbestuur of die betrokke gebiedsdagbestuur gereël word op koste van die hoofbestuur.

#### **5. MEDALJE VIR BESONDERE DIENS - SILWER**

- 5.1 Die medalje vir besondere diens - Silwer word deur 'n gebiedsbestuur toegeken aan 'n volwasse lid wat op gebiedsvlak aan die volgende vereistes voldoen:
- Geregistreeerde opbetaalde lid van die Voortrekkers is.
  - Ten minste vier jaar aaneenlopende diens op gebiedsvlak gelewer het.
  - Aktiewe meelewende lid van 'n Voortrekkerkommando is.
  - Die doen van take meer as die normale in die uitvoering van sy pligte op gebiedsvlak deur met besondere toewyding, organisering, opleiding en spesifieke take, tydens een of meer gebiedskampe/aktiwiteite uitgevoer het.
  - Die bevordering van die beeld van Die Voortrekkers in sy gemeenskap om 'n positiewe gesindheid jeens Die Voortrekkers te bewerkstellig.
- 5.2 Die betrokke gebiedsekretaris moet sorg dra dat die aansoek korrek en volledig is vir voorlegging aan gebiedsbestuur
- 5.3 Die medalje word deur die gebiedsbestuur uit eie beweging of op grond van 'n behoorlik gemotiveerde geskrewe aansoek van die gebiedsdagbestuur of gebiedskampbestuur of oordbestuur of kommandobestuur, wat die gebiedsbestuur in staat stel om 'n oordeel te vorm, toegeken.

- 5.4 Nadat 'n volwasse lid vir vier aaneenlopende jare diens op gebiedsvlak gelewer het, moet die gebiedsdagbestuur oorweeg of die bepaalde lid in aanmerking kom vir die toekenning. Indien hy in aanmerking kom, moet die gebiedsdagbestuur dit by die gebiedsbestuur aanbeveel. Indien hy nog nie na vier jaar diens kwalifiseer nie, moet die gebiedsdagbestuur hom elke jaar weer vir aanbeveling oorweeg solank as wat hy diens op gebiedsvlak lewer.
- 5.6 Indien 'n volwasse lid vir 'n periode van tien (10) jaar na die eerste toekenning steeds aan die vereistes van hierdie toekenning voldoen kan die toekenning 'n tweede keer toegeken word volgens dieselfde prosedures wat reeds hier omskryf is, en mits hy reeds die Medalje besondere diens – Brons ontvang het.
- 5.7 Vir die toekenning van die medalje word daar aan die hand van 'n gemotiveerde aansoek per geslote stembrief gestem en die medalje word toegeken wanneer minstens twee derdes van die aanwesige lede van die gebiedsbestuur ten gunste van die toekenning stem.
- 5.8 Die oorhandiging van die medalje en 'n oorkonde geskied tydens 'n funksie wat vir dié doel deur, en op koste van die betrokke bestuursliggaam wat die aansoek ingedien het, gereël word.

## **6. MEDALJE VIR BESONDERE DIENS - BRONS**

- 6.1 Die medalje vir besondere diens - brons word deur 'n oordbestuur toegeken aan 'n volwasse lid wat aan die volgende vereistes voldoen:
- Geregistreerde opbetaalde lid van *Die Voortrekkers* is.
  - Ten minste vier jaar aaneenlopende diens op kommandovlak gelewer het.
  - Aktiewe meelewende lid van 'n voortrekkerkommando is en wat volhoubare goeie diens lewer.
  - Ten minste die spanhanteringskursus en/of die bestuurskursus deurloop het.
  - Ten minste een keer 'n gebiedskamp ten volle bygewoon het.
  - Die doen van take, meer as die normale, in die uitvoering van sy pligte deur met besondere toewyding sy span en ander take binne die kommando te verrig.
  - Die bevordering van die beeld van *Die Voortrekkers* in sy gemeenskap om 'n positiewe gesindheid jeens *Die Voortrekkers* te bewerkstellig
- 6.2 Die kommandodagbestuur stel die motivering op en lê aan kommandobestuur voor vir aanbeveling na die oordbestuur. Die kommandodagbestuur moet sorg dra dat die aansoek korrek en volledig is vir voorlegging.
- 6.3 Die medalje word deur die oordbestuur op grond van 'n behoorlik gemotiveerde aansoek van 'n kommandobestuur, wat die betrokke bestuur in staat stel om 'n oordeel te vorm, toegeken.
- 6.4 Nadat 'n lid vir vier aaneenlopende jare diens op kommandovlak gelewer het, moet die kommandodagbestuur oorweeg of die bepaalde lid in aanmerking kom vir die toekenning. Indien hy in aanmerking kom, moet die kommandodagbestuur dit aan die kommandobestuur voorhou en na goedkeuring na die oordbestuur aanbeveel. Indien hy nog nie na vier jaar diens kwalifiseer nie, moet die kommandobestuur hom elke jaar weer vir aanbeveling oorweeg solank as wat die lid diens op kommandovlak lewer.
- 6.5 Indien 'n volwasse lid vir 'n periode van tien (10) jaar na die eerste toekenning steeds aan die vereistes van hierdie toekenning voldoen kan die toekenning 'n tweede keer toegeken word, volgens dieselfde prosedures wat reeds hier omskryf word.
- 6.6 Vir die toekenning van die medalje word daar aan die hand van 'n gemotiveerde aansoek per geslote stembrief gestem en die medalje word toegeken wanneer minstens twee derdes van die aanwesige lede van die betrokke oordbestuur ten gunste van die toekenning stem.
- 6.7 Die oorhandiging van die medalje en 'n oorkonde geskied tydens 'n funksie wat vir dié doel deur en op koste van die betrokke kommandodagbestuur gereël word.

## **7. TOEKENNING VIR DAPPERHEID (REDDINGSBOEI)**

- 7.1 Die toekenning vir dapperheid (reddingsboei) word deur die hoofbestuur toegeken aan enige lid van *Die Voortrekkers* wat 'n daad van buitengewone dapperheid verrig het.

- 7.2 Die reddingsboei word deur die hoofbestuur uit eie beweging of op grond van 'n behoorlik gemotiveerde aansoek van 'n gebiedsbestuur toegeken. Bestuursliggame op oord- en kommandovlak stuur 'n gemotiveerde aansoek na die gebiedsdagbestuur vir oorweging deur die gebiedsbestuur.
- 7.3 Vir die toekenning van die reddingsboei word daar per geslote stembrief gestem en die reddingsboei word toegeken wanneer minstens twee derdes van die aanwesige lede van die hoofbestuur ten gunste van die toekenning stem.
- 7.4 Die oorhandiging van die kenteken en 'n oorkonde geskied tydens 'n funksie wat vir dié doel deur hoofdagbestuur of die betrokke gebiedsdagbestuur gereël word op koste van die hoofbestuur.

## **8. TOEKENNING VIR BUITENGEWONE DIENS AAN DIE STAATMAKERS**

- 8.1 Die toekenning vir buitengewone diens aan die Staatmakers word deur die Nasionale Komitee: Staatmakers toegeken aan 'n Staatmaker van enige rang of amp wat 'n buitengewone bydrae gelewer het aan die Staatmakers in die algemeen.
- 8.2 Die vereistes vir besondere diens :
  - 8.2.1 minimum drie jaar diens aan die staatmakers op enige vlak
  - 8.2.2 die doen van take *meer as die normale* in die uitvoering van sy pligte, gemeet aan kreatiwiteit, vindingrykheid, die sigbaarheid en bruikbaarheid van die bydrae en die buitengewone aard daarvan
  - 8.2.3 die bydrae moet staatmaker gerig wees
  - 8.2.4 die bevordering van die beeld van die Staatmakers in die oord, gebied of nasionaal.
- 8.3 Die toekenning word deur die Nasionale Komitee: Staatmakers uit eie beweging of op grond van 'n behoorlike gemotiveerde voordrag van 'n bestuursliggame van Die Voortrekkers toegeken. Die genoemde bestuursliggame stuur 'n gemotiveerde aansoek aan die Nasionale Komitee: Staatmakers vir oorweging deur die Nasionale Komitee: Staatmakers.
- 8.4 Vir die toekenning word daar per geslote stembrief gestem en toekenning geskied wanneer minstens twee derdes van die Nasionale Komitee: Staatmakers ten gunste van die toekenning stem en dit so by Hoofdagbestuur aanbeveel.
- 8.5 Die oorhandiging geskied tydens 'n funksie wat vir dié doel deur en op koste van die Nasionale Komitee: Staatmakers of die betrokke bestuursliggame gereël word.

## **9. PENNING VIR UITSTAANDE JEUGDIENS - GOUD**

- 9.1 Die penning vir uitstaande jeugdiens - goud word deur die hoofbestuur toegeken aan 'n lid wat nie voortrekkerdrag dra nie of aan 'n persoon of instansie wat uitstaande diens aan *Die Voortrekkers* vir minstens vier jaar gelewer het. Sodanige diens moet op 'n vlak wees waar *Die Voortrekkers* in sy breë verband gedien word en moet meer wees as wat normaalweg van hom verwag kan word.
- 9.2 Dit gebeur soms dat 'n oudlede van *Die Voortrekkers* om een of ander rede nie met 'n medalje vereer is vir Voortrekkerdiens op hoofbestuursvlak solank as wat hy lid was nie. Die toekenning van die penning vir uitstaande jeugdiens - goud kan oorweeg word aan 'n persoon wat voor sy uittrede as lid ten minste vier jaar aaneenlopende diens op landwye vlak voltooi het.
- 9.3 Daarbenewens kan die toekenning van die penning vir uitstaande jeugdiens - goud ook oorweeg word aan 'n lid wat nie voortrekkerdrag dra nie of 'n persoon of instansie wat vir minstens vier jaar uitstaande diens aan die Afrikaanse kultuur op landswye vlak verrig het.
- 9.4 Die penning word deur die hoofbestuur uit eie beweging of op grond van 'n behoorlik gemotiveerde aansoek van 'n gebiedsbestuur toegeken. Bestuursliggame op oord- en kommandovlak stuur 'n gemotiveerde aansoek na die gebiedsdagbestuur vir oorweging deur die gebiedsbestuur. Die hoofbestuur kan op grond van die motivering, indien hy so oordeel, dalk die penning vir uitstaande jeugdiens - brons of silwer toeken.
- 9.5 Vir die toekenning van die penning word daar aan die hand van 'n gemotiveerde aansoek per geslote stembrief gestem en die penning word toegeken wanneer

minstens twee derdes van die aanwesige lede van die hoofbestuur ten gunste van die toekenning stem.

- 9.6 Die oorhandiging van die penning en 'n oorkonde geskied tydens 'n funksie wat vir dié doel deur die hoofdagbestuur of die betrokke gebiedsdagbestuur gereël word op koste van die hoofbestuur.

## **10. PENNING VIR UITSTAANDE JEUGDIENS - SILWER**

- 10.1 Die penning vir uitstaande jeugdiens - silwer word deur 'n gebiedsbestuur toegeken aan 'n lid wat nie voortrekkerdrag dra nie of aan 'n persoon of instansie wat uitstaande diens aan *Die Voortrekkers* op gebiedsvlak vir minstens vier jaar gelewer het.
- 10.2 Dit gebeur soms dat 'n oudlid van *Die Voortrekkers* om een of ander rede nie met 'n medalje vereër is vir Voortrekkerdiens op gebiedsvlak solank as wat hy lid was nie. Die toekenning van die penning vir uitstaande jeugdiens - silwer kan oorweeg word aan 'n persoon wat voor sy uitrede as offisier ten minste vier jaar aaneenlopende diens op gebiedsvlak voltooi het.
- 10.3 Daarbenewens kan die toekenning van die penning vir uitstaande jeugdiens - silwer ook oorweeg word aan 'n lid wat nie voortrekkerdrag dra nie of 'n persoon of instansie wat vir minstens vier jaar uitstaande diens aan die Afrikaanse kultuur op provinsiale vlak verrig het.
- 10.4 Die penning word deur die gebiedsbestuur uit eie beweging of op grond van 'n behoorlik gemotiveerde geskrewe voordrag van 'n ander bestuursliggaam, gebiedskamp, streek of oord in die gebied, wat die gebiedsbestuur in staat stel om 'n oordeel te vorm, toegeken. In die geval van 'n aansoek deur 'n ander liggaam kan die gebiedsbestuur op grond van die motivering, indien hy so oordeel, dalk die penning vir uitstaande jeugdiens - brons toeken of selfs aanbeveling vir penning vir uitstaande jeugdiens - goud.
- 10.5 Vir die toekenning van die penning word daar per geslote stembrief gestem en die penning word toegeken wanneer minstens twee derdes van die aanwesige lede van die gebiedsbestuur ten gunste van die toekenning stem.
- 10.6 Die oorhandiging van die penning en 'n oorkonde geskied tydens 'n funksie wat vir dié doel deur en op koste van die betrokke dagbestuur of ander liggaam gereël word.

## **11. PENNING VIR UITSTAANDE JEUGDIENS - BRONS**

- 11.1 Die penning vir uitstaande jeugdiens - brons word deur 'n gebiedsbestuur of oordbestuur toegeken aan 'n lid wat nie voortrekkerdrag dra nie of aan 'n persoon of instansie wat betekenisvolle diens aan *Die Voortrekkers* op kommandovlak vir minstens vier jaar gelewer het.
- 11.2 Dit gebeur soms dat 'n oudlid van *Die Voortrekkers* om een of ander rede nie met 'n medalje vereër is vir Voortrekkerdiens op kommandovlak solank as wat hy lid was nie. Die toekenning van die penning vir uitstaande jeugdiens - brons kan oorweeg word aan 'n persoon wat voor sy uitrede as offisier ten minste vier jaar ononderbroke diens op kommandovlak voltooi het.
- 11.3 Daarbenewens kan die toekenning van die penning vir uitstaande jeugdiens - brons ook oorweeg word aan 'n lid wat nie voortrekkerdrag dra nie of 'n persoon of instansie wat vir minstens vier jaar uitstaande diens aan die Afrikaanse kultuur op plaaslike vlak verrig het.
- 11.4 Die penning word deur die gebiedsbestuur of oordbestuur uit eie beweging of op grond van 'n behoorlik gemotiveerde aansoek van 'n kommandobestuur, wat die betrokke bestuur in staat stel om 'n oordeel te vorm, toegeken. In die geval van 'n geskrewe voordrag deur 'n kommando- of oordbestuur kan die gebiedsbestuur op grond van die motivering, indien hy so oordeel, die penning vir uitstaande jeugdiens - silwer toeken.
- 11.5 Vir die toekenning van die penning word daar per geslote stembrief gestem en die penning word toegeken wanneer minstens twee derdes van die aanwesige lede van die gebiedsbestuur of die oordbestuur ten gunste van die toekenning stem.
- 11.6 Die oorhandiging van die penning en 'n oorkonde geskied tydens 'n funksie wat vir dié doel deur en op koste van die betrokke kommandodagbestuur gereël word.

## **12. TOEKENNING VAN DIE VOORTREKKERVRIEND**

- 12.1 Die Toekenning van die Voortrekkervriend word gedoen aan 'n lid wat nie formele voortrekkerdrag dra nie of aan 'n persoon of instansie wat vir enige periode betekenisvolle diens aan *Die Voortrekkers* gelewer het.
- 12.2 Die Toekenning van die Voortrekkervriend word deur die volgende bestuursliggame gedoen:
- 12.2.1 Vir diens op kommandovlak: oordbestuur of gebiedsbestuur;
  - 12.2.2 Vir diens op streek-/oordvlak: oordbestuur of gebiedsbestuur;
  - 12.2.3 Vir diens op gebiedsvlak: gebiedsbestuur;
  - 12.2.4 Vir diens op landwye vlak: hoofbestuur.
- 12.3 Die goedkeuring van die toekenning kan aan die dagbestuur van die betrokke bestuursliggaam gedelegeer word.
- 12.4 Die oorhandiging van die toekenning geskied tydens 'n funksie wat vir dié doel deur en op koste van die betrokke bestuursliggaam wat die aansoek ingedien het en gaan gepaard met die oorhandiging van 'n oorkonde en 'n erepenning aan die betrokke persoon.

## **13. LEIERSKAPPENNING - GOUD**

- 13.1 *Die Voortrekkers* gee met die penning vir uitstaande leierskap goud erkenning aan uitstaande leierskap van 'n student/leerling op kultuurgebied op nasionale vlak. 'n Prestasie in enige aspek van die Afrikanerkultuur kan vereer word.
- 13.2 Die hoofbestuur doen die toekenning.
- 13.3 'n Oorkonde word saam met die kultuurleierspenning - goud beskikbaar gestel.

## **14. LEIERSKAPPENNING - SILWER**

- 14.1 *Die Voortrekkers* gee met die penning vir uitstaande leierskap - silwer erkenning aan uitstaande leierskap van 'n student/leerling op kultuurgebied op gebiedsvlak. 'n Prestasie in enige aspek van die Afrikanerkultuur kan vereer word.
- 14.2 Die betrokke gebiedsbestuur doen die toekenning.
- 14.3 'n Oorkonde word saam met die kultuurleierspenning - silwer beskikbaar gestel.

## **15. LEIERSKAPPENNING - BRONS**

- 15.1 'n Voortrekkerkommando stel 'n penning vir uitstaande leierskap - brons aan opvoedkundige inrigtings beskikbaar vir toekenning aan studente/leerlinge wat as leiers op plaaslike kultuurgebied presteer. 'n Prestasie in enige aspek van die Afrikaner-kultuur kan vereer word.
- 15.2 'n Riglyn word aan die betrokke opvoedkundige inrigting vir evaluering beskikbaar gestel.
- 15.3 Die betrokke kommando vra die kultuurleierspenning - brons by die gebiedsdagbestuur aan en rapporteer aan wie en wanneer die toekenning gedoen is.
- 15.4 'n Oorkonde word saam met die kultuurleierspenning - brons beskikbaar gestel.